

Na osnovu člana 25. Statuta Udruženja fudbalskih sudija i instruktora Kantona Sarajevo (u daljem tekstu: UFSIKS), Upravni odbor UFSIKS na 13. sjednici održanoj 19. decembra 2013. godine, donosi

# **K O D E K S**

o ponašanju članova UFSIKS

## **Član 1.**

Kodeksom o ponašanju članova UFSIKS (u daljem tekstu: Kodeks) regulišu se pravila ponašanja članova u vezi sa nogometnim i izvannogometnim aktivnostima.

Kodeks treba da afirmiše pozitivna načela u ponašanju i liku nogometnih sudija i instruktora suđenja, a posebno njihovo uzorno te fer i korektno ponašanje.

## **Član 2.**

Članovi UFSIKS obavezni su pravovremeno i dosljedno primjenjivati odredbe nogometnih/fudbalskih propisa prema svim učesnicima nogometnog/fudbalskog sporta, te su obavezni čuvati i štititi integritet nogometnih/fudbalskih institucija i pojedinaca iz NS/FS BiH, NSFBiH, FSKS i UFSIKS.

## **Član 3.**

Članovi UFSIKS ne smiju pokušati, a posebno ne uticati na klubove, sudije, delegate, trenere i igrače da postupaju suprotno odredbama iz člana 2. ovog Kodeksa.

## **Član 4.**

Članovi UFSIKS ne smiju pokušati, niti uticati na članove organa koji donose odluke u vezi sa radom UFSIKS.

## **Član 5.**

Članovi UFSIKS su obavezni voditi računa o ugledu i ponašanju u javnom i privatnom životu, o ugledu UFSIKS čiji su članovi, kao i o ugledu cjelokupnog NS/FSBiH.

## **Član 6.**

Članovi UFSIKS, prilikom obavljanja funkcija ne smiju od nogometnih/fudbalskih klubova ili pojedinaca primati poklone ili druge naknade, koje nisu utvrđene propisima, osim dozvoljenih sportskih suvenira.

## **Član 7.**

Članovi UFSIKS ne smiju u izjavama za medije niti u komentarima na društvenim mrežama vrijeđati ili omalovažavati institucije nogometne/fudbalske organizacije u kojima je UFSIKS udruženi član, niti pojedine članove tih institucija, te ne smiju prenositi neistinite i pogrešne podatke o radu nogometnih/fudbalskih institucija i pojedinaca iz NS/FS BiH, NSFBiH, FSKS i UFSIKS.

#### **Član 8.**

Članovi UFSIKS ne mogu nakon utakmice davati izjave za medije niti objavljivati komentare i fotografije na društvenim mrežama na račun klubova, navijača, kao ni o radu ostalih službenih lica, koji na bilo koji način štete njihovom ugledu i ličnom integritetu.

#### **Član 9.**

Primjedbe na rad službenih lica na utakmici i radu organa koji donose odluke u vezi sa suđenjem i takmičenjem mogu se dostaviti u pismenoj formi rukovodstvu takmičenja i drugim nadležnim organima, u skladu sa pozitivnim propisima UFSIKS, NS/FS BiH, NS FBiH i FSKS.

#### **Član 10.**

Članovi UFSIKS, mogu davati izjave o utakmici samo iz svog djelokruga rada i to na zahtjev nadležnih tijela UFSIKS ili NS/FS BiH, NS FBiH i FSKS.

#### **Član 11.**

Izjave za medije o radu UFSIKS može davati isključivo predsjednik UFSIKS ili osoba koju isti ovlasti za davanje izjava.

#### **Član 12.**

Izjave i komentare o odlukama i aktivnostima organa UFSIKS medijima može davati isključivo predsjednik UFSIKS ili u slučaju spriječenosti predsjednika osoba koju isto ovlasti. Prilikom davanja izjava nije dozvoljeno komentarisati ili davati izjave o radu drugih organa.

#### **Član 13.**

Članovi UFSIKS ne mogu svojim izgledom, ponašanjem u profesionalnom i privatnom životu, kao ni u izjavama za medije i komentarima i fotografijama na javnim društvenim mrežama narušavati ili štetiti pozitivnom i sportskom imidžu UFSIKS te liku i djelu nogometnog suca kao visoko moralne, etične i sportske ličnosti.

#### **Član 14.**

Članovi UFSIKS ne mogu zloupotrijebiti lik i djelo nogometnog/fudbalskog sudije niti članstvo u UFSIKS za javno pozivanje, lobiranje niti propagiranje, reklamiranje i nošenje obilježja bilo koje političke, vjerske, rasne, nacionalne, sportske i druge partije, kluba, grupe ili zajednice.

#### **Član 15.**

Članovi UFSIKS ne mogu na bilo koji način podsticati ostale članove na neizvršavanje obaveza prema UFSIKS.

#### **Član 16.**

Svaki član UFSIKS obavezan je spriječiti ili prijaviti korištenje nedozvoljenih stimulativnih sredstava od strane igrača i sudija.

#### **Član 17.**

Povrede odredaba ovog Kodeksa predstavljaju disciplinski prekršaj, a koji na osnovu prijave koju mogu podnijeti svi članovi UFSIKS, biti će sankcionisani prema odredbama Disciplinskog pravilnika FSKS.

#### **Član 18.**

Kodeks stupa na snagu i primjenjuje se sa danom donošenja.

PREDSJEDNIK UO UFSIKS

s.r. Ibrahim Hasanbegović

Sarajevo, 19. decembar 2013. godine